

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

Exegesis.

sponsationem sacer noster factus sit? Num parum videtur vobis generum esse Regis? inquit David, ad servos Saulis. Nos plus causæ habemus respectu spiritualis hujus desponsationis nobis gratulandi, non enim tenue, sed mysterium magnum est, Eph. 5. v. 32, in quod desiderant Angeli propice-re, 1. Petr. 1. v. 22. quod miseri nos homunciones, Regis Regum generi facti sumus.

Deus Pater præclaram nobis dotem largitur, dum aperto bono suo thesauro cœlo, Deut. 28. v. 12. benedit nos in omni benedictione spirituali in cœlestibus, Ephes. 1. v. 3.

Deus Filius est sponsus noster, amicè nos compellans: Surge, propera, amica mea, speciosa mea, & veni, Cant. 2. v. 13.

Deus spiritus sanctus est pignus hereditatis nostræ, & arrha, Eph. 1. v. 14. ut desponsationis hujus cœlestis certissimus, signat enim quod Deus verax est, Joh. 3. v. 33.

Quis igitur non placet sibi, generum Regis esse? verè enim de ejusmodi homine dicitur: Si Deus pro nobis, quis contra nos? Rom. 8. v. 31.

Hâc de re agitur in prælecta Pericope. Deus enim Pater Rex ille est, qui Filio suo nuptias parat. Humana natura sponsa est, quam Filius Dei in unitatem Personæ adsumit: convivæ nuptiales sunt omnes homines, Judæi & gentiles, ut in ipsa explicatione pluribus ostendetur.

Nos instituti nostri memores visuri sumus

I. *Triplacem Querelam.*

II. *Triplacem Medelam.*

III. *Triplacem Cautelam.*

Sicut olim Lacedæmones per mancipia stemulenta filiis suis ebrietatem exosam & abominabilem reddiderunt: Ita Deus Opt. Max. in usu habet, ut in verbo suo, varia exempla peccatorum, eorumque turpitudinem nobis proponat, ut cautius mercari discentes, ea evitemus: scripta namque sunt ad admonitionem nostram, in quos fines seculorum devenerunt, 1. Cor. 10. v. 11.

Idem nos observabimus in prælecta Pericope, ubi Servator noster sub elegantí parabola, de Rege, qui filio suo nuptias parat, Judæis ingratitudinem suam exprobrat. Erant enim illi populus acquisitionis, genus electum, regale Sacerdotium, 1. Pet. 2. v. 9. illorum erant adoptio, & testamenta, & legislatio, & cultus & promissa, Rom. 9. v. 4. idè & præ omnibus gentibus eodem ad nuptias Filii sui sub initium N.T. vocati voluit. Quia verò blandam hanc invitationem spreverunt, illis abjectis, gentiles in eorum locum substituit, ut Paulus testatur, Act. 13. v. 46.

Hoc quia ad nostram emendationem factum, querelam nobis moveat, eamque trifariam: hinc inspiciemus

1. *Divina invitationis contemtum.* Invitati enim solebant venire. Et quamvis Rex secunda vice servos suos emiserit, ut invitatis dicerent: Ecce, prandium meum paravi, tauri mei & altilia occisa sunt, & omnia parata, venite ad nuptias: tamen & hanc invitationem neglexerunt & abiecti sunt, alius in villam suam, alius verò ad ne-

götiationem suam : reliqui verò tenuerunt servos ejus , & contumeliis affectos occiderunt : quin & qui apparuerunt, non omnes mundi fuerunt, sed interfacti illi hypocrita, carens ueste nuptiali.

Inveniuntur proinde hīc

1. *Ingrati*, qui blandam hanc invitationem spernunt, & temporibus inhibere, quam pietatem sectari malunt, quæ tamen promissionem habet hujus & futuræ vitæ, 1. Tim. 4.v. 8. ideoq; non apti sunt Regno Dei, Luc. 9.v.ult. Matth. 10.v.32.

2. *Maleferiati*, qui socordes sunt ad bonum, hi si ad nuptias invitantur, & ad pietatem colendam extimulantur, subsannant nuncios Dei, illuduntque Prophetis, 2. Paral. 36. v.16. Necho faltem : Sed si Sanctus in Israel, cessare non vult à facie sua, Esa. 30. v.11. conspirant inter se dicentes : Non prophetabis in nomine Domini, & non morieris in manibus nostris, Jer. 11. v. 21. Id perpetrarunt in Prophetis, in Christo ipso ejusque Apostolis, quos lapidatunt, lecarunt, & in occasione gladii perimerunt, Hebr. 11. v.36.

3. *Imparati*, qui ueste nuptiali salvifica fidei carentes, speciem tenus modò sedent, ut populus Dei, Ezech. 33. v.31. in corde vero sunt pleni peccatorum spurcitie, ut sepulchra dealbara, Matth. 23. v.27. hi non habent partem cum Christo, in cuius conspectum non venit hypocrita, Job. 13. v.17. Matth. 7. v.21.

Ita parabola hæc præcipue ad Judæos directa est, qui soli peculium & amicis ejus esse volebant, nec faciebant, quæ Deo placebant. Sed applicatio adhuc hodie locum habet in Ecclesia. Ubique enim fieri amat, quod B. Lutherus dixit : Ubi

verbum Dei quam maximè prædicatur : ibi & maximam persecutionem experiri cogitur.

Magna hæc miseria est, quod Rex cœli & terræ, respectu cuius nos omnes, quasi stilla fitulæ, & quasi pulvisculus stateræ reputati sumus, Esa. 40. v.15. tantum nos gratia dignatur, quam tamen quasi pessimum, & abjecimus, ut non immerito querelam ingeminare queat : Audite cœli, & arietibus percipe terra &c. Esa. 1. v.2. seqq. Ubi verò valet minatur, ibi pœna non procul est : est enim Dominus, qui loquitur & facit, Ezech. 17. v.ult.

II. *Indignabundum Regis animum*. Nam Rex iratus est. O indignationem ! Leo rugivit, quis non timebit ? Amos 3. v.8.

Cum Rex Assuerus iratus esset, Aman statim intellexit, à Rege sibi paratum malum, Esther. 7. v.7. indignatio Regis, nuncius mortis, Prov. 16. v.14.

Quid igitur dicti sumus de Deo, qui Rex Regum est, & Dominus Dominantium ? 1. Tim. 6. v.15. ejus ira est

1. *Ira formidabilis*. Ardet enim usque ad inferni infima, Deut. 32. v.22. Montes communio sunt ab eo, & colles colliquescent, & contremuit terra à facie ipsius, & orbis, & omnes habitantes in eo, Nahum 1. v.5. Est enim ejusmodi Dominus, qui animam & corpus perdere potest in gehennam, Matt. 10. v.28.

2. *Ira inevitabilis*. A terrenis Regibus auffugere possumus, ut Davidis exemplum restatur, 1. Sam. 27. v.1. Verum iracundiam Regis celestis nemo effugere valeret, Psal. 139. v.7. seqq.

3. *Ira incessabilis*. Reges terreni mortales sunt, & cum morte eorum ira emoritur,

mor-

mortui canes enim non mordent. Hinc Deus mortuo Herode, Josepho annunciarì jussit : Defuncti sunt, qui quarebant animam pueri, Matth. 2. v. 21. Quiverò Deum hostem habet, nunquam expiabitur : ira enim Dei manet super eum, Joh. 5. v. ult.

Hanc intolerabilem Dei iram contemtores sibi attrahunt, quando ad nuptias paratas venire renunt. Hæc magna miseria : & majoradhuc illa est, quod nemo eandem agnoscat, juxta querelam Mosis: Quis autem agnoscit iræ tuæ gravitatem? & juxta timorem tuum iram tuam? Psal. 90. v. 11.

Si quis igne læditur, continuò membrum retrahit: Nos vero adeò stolidi & temerarii sumus, ut data opera in ignem curramus, & in interitū nos præcipitemus. Hæc magna est pervicacia & obstinatio.

Asina Bileami, cernens Angelum stan-tem in viâ, evaginato gladio, avertit se de itinere, & concidit sub pedibus sedentis, Num. 22. v. 23. Quidni nos potius à curvis peccatorum viis decederemus, quando Deum nobis adversantem, & gladium vindictæ in manu tenentem viderimus? Est enim justus judex, & Deus minitans per singulos dies: nisi converti fueritis gladium suum acuit &c. Ps. 7. v. 12.

III. Pœnarum securarum cumulum. Rex missis exercitibus suis, perdidit homicidas illos, & civitatem illorum succedit. Idem adhuc hodiè facit. Experta id est in bello trigesimali Germania nostra, ubi multæ civitates, & munimenta, propter ingratitudinem & verbi divini contentum expugnata, & incendio consumta sunt, vel minimùm ita exhausta, ut vix pristino splendori

restituantur. Non enim irridetur Deus, Galat. 6. v. 7. Sed quando ficalneam satis diu coluit, & stercoravit, demùm eam, ubi fructum non invenit, succidit, Luc. 13. v. 7. eadem securi, quā Istaëlia excidit, Rom. 11. v. 22.

Ah quanto amore prosequebatur Dominus cives Hierosolymitanos! quanto desiderio congregatum illos ibat, ut gallina congregat pullos suos sub alas, si voluis-sent! Maith. 23. v. 37. Quia verò tempus gratiosæ visitationis aguoscere nolebant, misso exercitu suo, civitatem illorum adeò prosternebat, ut solo illa æquaretur, & lapis super lapidem non relinqueretur, Luc. 19. v. 44. Hoc adhuc hodiè ita accidit. Quando verbi Praecones tolerare nequimus, qui nos docent utilia, Esa. 48. v. 17. tandem cataphractos immittit, qui crudelissimè nos tractant. Quodsi & hoc me-dio ad frugem non perducit homines, tandem id locum habet, quod porrò in Evangelio sequitur: Ligatis manibus & pedibus ejus, mittite eum in tenebras exteriores, ibi erit flatus & stridor dentium.

Hæc ita compendiosa descriptio damnatio-nis aeterna est, ubi damnati catenis constringentur, 2. Petr. 2. v. 4. in inferno ponentur, Psal. 49. v. 15. à facie Dei abjecti pœnas da-bunt interitum aeternum 2. Thess. 1. v. 9. & mortem non invenient, Apoc. 9. v. 6.

Nos hinc anfam capiamus, quomodo cautius ambulemus, ut hactenus factum, Eph. 5. 15. in mansuetudine suscipientes verbum veritatis, si horribiles has pœnas effuge-re velimus, Jac. 1. 21. tum & sedulò oremus:

Servator, ô dulcissime,
Quinatus es, ex virgine
Averte nobis orcum!

De Secundo.

Sequitur Medela, quæ fluit
1. Ex nuptiarum consideratione. Hinc
dicitur in Exordio Evangelii: Simile fa-
cium est Regnum cœlorum homini Regi,
qui fecit nuptias Filio suo. Intelligitur hic
potissimum *Desponsatio Incarnationis*, ubi
æternus Filius Dei ex utero castissimæ
virginis Matris humanam carnem & san-
guinem assumit, in unionem Personæ, ut
in æternum separari nequeant. Licet enim
Filius Dei cum Ecclesia quoq; conjugium
inierit, & illi in justitia & judicio, in misé-
ricordia & miserationibus se desponsat, *Ole.* 2. v. 19. attamen spiritualis hæc de-
sponsatio, inde originem trahit, quianon
Angelos, sed fœmen Abrähæ, assumit, no-
bisque in omnibus similis factus est, exce-
pto peccato, *Hebr.* 2. v. 16.

Sicut igitur aliás, vi vinculi conjugalis,
maritus & uxor una caro fiunt, *Genel.* 2.
v. 24. ita per unionem personalem Dei Fi-
lius, hominis Filius factus est, ut quidem in
Christo sint duæ naturæ, divina & huma-
na, quæ non confunduntur, nec transmu-
tantur, ut olim Eutychiani delirarunt: sed
quælibet substantiam suam retineat: ve-
rū propterea non duæ personæ sunt: sed
unus nobis est Deus, Pater, ex quo omnia,
& nos in illum, & unus Dominus Jesus
Christus, per quem omnia, & nos per
ipsum, *i. Cor.* 8. v. 6. Hoc mysterium ra-
tioni obvium non est, undein considera-
tione ejusdem exclamandum nobis: O
profunditatem Divitiarum! *Rom.* 11.
v. 33.

Aliás divites divitias, formosi pulchri-
tudinem, nobiles nobilitatem per connu-

bia querunt, quod quidem non ad eū cul-
pandum viderur, juxta Siracidis effatum,
c. 13. v. 19. Verū Christus cum carne &
sanguine nostro se despōndit, ditissimus
cum pauperimis, elegantissimus cum de-
formibus, nobilissimus cum natione pravâ
atque perversa, *Phil.* 2. v. 15. Hoc Pater
cœlestis permisit ex merâ dilectione erga
nos; Filius itidem ex ardente caritate fe-
cit, quo miseros nos homunciones, à pec-
cato, morte, Diabolo & inferno redime-
ret. Id quod Paulus vocat divitias gra-
tia Dei, *Rom.* 2. v. 4. quod cœlestis Pater
Filiū suum unigenitum mundo dat, *Joh.*
3. v. 16. & æternus Filius Dei, non modò
Filius hominis, sed sponsus meretricis fit, ut
Chrysostomus ait, & cum generatione
mala & adultera se despōnat, *Matth.*
12. v. 39.

In veteri Testamento non licuit summo
Sacerdoti violatam & meretricem du-
cere, sed virginem sibi despōnare teneba-
tur, *Levit.* 21. v. 13.

Verū Christus, qui est summus Sacer-
dos juxta ordinem Melchisedec, ad hanc
legem se non adstrinxit: sed humanitatem
in unitatem Persona assumit, quin & ipse
generis nostri factus est, quod eo melius no-
biscum agere, & nos omnia bona ab eo ex-
pectare possemus. *Quis* hic non cum
Psalte Regio exclamat: *Quām* pretiosa
est misericordia tua Deus! *Psal.* 36. v. 8.

Quodsi enim terrenus Rex Ahasverus,
propter dilectam Esther universæ genti Ju-
daeorum gratiam exhibuit, eamque adver-
sus Hamani furorem defendit, *Esther* 9.
v. seqq. quantò magis Christus Rex
Regum, propter sponsam suam, quæ est
natura humana, cuius despōndit, toti ge-
neri